

MISA CON NENOS

31 de decembro 2017

Sagrada Familia

Evanxeo Lucas 2, 22-40:

“O neno ía crescendo, cheo de sabedoría.

Mensaxe: Nace Xesús nunha FAMILIA.

QUERE E COIDA a túa!



1. ACOGIDA

Irmáns e irmás:

Con toda a alegría do Nadal reunímonos neste domingo para celebrar á Sagrada Familia. Deus fíxose un dos nosos, veu compartir a nosa vida. Xesús, sendo neno, creceu, robusteceu e encheuse de sabedoría no seu pobo, aprendendo na súa casa, cos seus pais, a amar e a rezar a Deus. Na casa aprendemos aquelas cousas fundamentais que marcan o resto da vida, especialmente cando unha casa está chea de Deus, como a de Xesús en Nazaré. Recemos hoxe pola nosa familia e por todas as familias do mundo, coas súas alegrías, temores e esperanzas, para que as Deus bendiga a todas.

Saúdo: Que a paz, o amor e a graza de Deus manifestados en Cristo, nado para a nosa salvación, estea convosco.

(Pódese acompañar ao sacerdote cunha Icona da Sagrada Familia; no altar pódese colocar unha casiña do portal coas tres figuriñas: Xesús, María e Xosé. Non estaría mal que algunha familia ou varias realizasen as peticións ou as ofrendas, etc).



2. PERDÓN

Recoñezamos os nosos pecados.

- Fillo de Deus, que nacido de María, fixécheste o noso irmán. **Señor, ten piedade de nós.**
- Fillo de María, que coñeces e comprendes a nosa debilidade. **Cristo, ten piedade de nós.**
- Fillo primoxénito do Pai, que fas de todos nós unha soa familia. **Señor, ten piedade de nós.**

Que Deus, noso Pai, teña misericordia de nós, perdoe os nosos pecados e nos leve á vida eterna.

3. PETICIÓNS

- *Damos grazas a Deus polas nosas familias e pedimos por todas, especialmente polas máis necesitadas, dicindo: -Pedímoscho, Pai.*

1. Para que a familia sexa comunidade permanente de vida e amor. **Oremos.**
2. Para que nas nosas familias nos amemos cada día máis superando as dificultades. **Oremos.**
3. Para que nas nosas familias poñamos amor e alegría ao noso redor e abrámonos aos que nos necesiten. **Oremos.**
4. Para que as familias en crise, sen traballo ou que viven con tensións, atopen axuda e fortaleza para saír adiante. **Oremos.**
5. Para que eduquemos na fe aos nosos fillos orando e participando xuntos na eucaristía. **Oremos.**
6. Para que saibamos valorar a presenza dos avós en casa, vexamos neles a fonte da sabedoría, o tronco onde naceu o que somos e temos. **Oremos.**
7. Para que fagamos das nosas familias fogares, pequenas igrexas, santuarios de vida e de amor. **Oremos.**

Oremos: Pai, envolve no teu amor a este mundo e bendí a todas as familias.



4. OFRENDAS para nenos

- **CUERDA CON NUDOS O UNA PIÑA:** Con esta corda repleta de nós (con esta piña), queremos simbolizar a forza e o segredo da familia: o amor fai posible a unión entre todos.
- **ICONA DA SDA. FAMILIA:** Con esta icona da Sagrada Familia, queremos traer ante o altar, a gratitude de todas as familias da nosa parroquia por ter escollido Deus unha familia para vir ao mundo.

- **PAN E VIÑO:** Co cáliz repleto de viño e a patena desbordante de pan, levamos ata o altar as fatigas, os traballos, os éxitos, os estudos, a responsabilidade, as dificultades e o amor de todas as nosas familias.



OFRENDAS familiares

- ESPOSO: Neste día en que miramos a Xesús coa súa familia, queremos presentar estas ofrendas, levadas por uns avós, uns pais e uns nenos, en representación das nosas familias.
- ESPOSA: Ofrecémosche estas **alianzas**, signo do compromiso de comunión, fidelidade e entrega da nosa vida matrimonial.
- ESPOSO: Tamén traemos ao teu altar un cadro da **Sagrada Familia** como expresión do noso desexo de facer dos nosos fogares pequenas igrexas domésticas onde se vivan os valores da Familia de Nazaré.
- ESPOSA: E presentámosche o **viño e o pan**, froitos da terra e do traballo dos homes, que serán para nós pan de Vida e bebida de Salvación, para poñer sobre o altar a vida das nosas familias.



5. VÍDEOS OU PPW PARA ESTE DOMINGO: Sobre a Sda. Familia

- Lc. 2, 22-40, película: <https://www.youtube.com/watch?v=txc8LRGp9Gw>
- Presentación de Xesús e Profecía de Simeón, película: <https://www.youtube.com/watch?v=8qZNLcvy4tQ>
- O neno Xesús presentado no templo, película: <https://www.youtube.com/watch?v=Hwfs9cE03C4>
- Presentación no templo, debuxos: <https://www.youtube.com/watch?v=iPe0tC2LD9I>
- Xesús perdido no templo, debuxos: <https://www.youtube.com/watch?v=eA-GWsLAEIo>
- Sabedoría para compartir, reflexión: <https://www.youtube.com/watch?v=qd0vNXqFsuo>
- Levántate, reflexión : <http://www.youtube.com/watch?v=OIXLhpEhrkA>
- No obradoiro de Nazaré, canción: <http://www.youtube.com/watch?v=DYwhG0RqXgU>
- Oración pola familia, Padre Zezinho: http://www.youtube.com/watch?v=ZaBEr_CvRRk
- Canto á familia: <http://www.youtube.com/watch?v=5vieJwg-YJk>
- Canción para a familia, Robert León: <https://www.youtube.com/watch?v=yzl7chnMVkY>
- O mellor que a vida me deu, Pimpinela: <https://www.youtube.com/watch?v=SaBYkOxoQ6c>
- Vanse- Pimpinela: <https://www.youtube.com/watch?v=5A2eJRH76PE>

